

آبونه شرائطی

ممالك عثمانیه ده سنه لکی (۶۵) ، التي
آیلغی (۳۵) غروشدور .
ممالك اجنبیه ده سنه لکی (۱۷) ، التي
آیلغی (۹) فرانقدر .

اداره هانه

باب عالی جاده سنده اورخان بک خاندده
نومرو ۲۳-۲۶

اخطارات

آبونه بدلی پیشیدور .

§

مسالکه موافق آثار مع الممنونیه قبول
اولنور . درج ایدیلمه یین یازیلر
اعاده اولوغاز .

سراسر

۱۳۳۰

اخطارات

رساله مزدن آلدیغی کوسترلک شرطیله
یتون یازیلر هر هانکی برغزته طرفندن
اقتباس اولونه ییدر .

§

مکتوبلرک ، امضالرک واضح و
اوقوناقلی اولمسی و آبونه صره
نومروسی محتوی بولونمسی لازمدور .

§

ممالك اجنبیه ایچون آبونه اولانلرک
آدرسارینک فراسیزده یازلمسی
رجا اولنور .

§

اون آبونه قید ایدن ذاته بر آبونه
مجاناً تقدیم اولنور .

والله یهدی من یشاء الی صراط مستقیم

دینی ، علمی ، ادبی ، سیاسی هفته لقی مجموعه اسلامیه در

اتبعون اهدکم سبیل الرشاد

صاحب و مدیر مسئول : ع . اشرف ارباب

جلد ۲ - ۹

۷ ربیع الاول ۱۳۳۱ پنجشنبه ۳۱ کانون ثانی ۱۳۲۸

عدد ۴۹ - ۲۳۱

مَقَالَات

هر کس کندی وظیفه سینه

روم ایلی بی ، هر گوشه سنده شهامت قومیه مزك مبیجل برخاطره . سنی ، هر بقعه سنده مقدسات دینه مزك لایموت بر آبد سنی صاقلایان بر دلربا قطعه بی ؛ باشند باشه ، بدبخت معصوملرک کوزیاشری ، طالعسر اسلاملرک آل قانلریله صولایان یکرمنجی عصرک قانلی جنسوارلری آوروپاده بقای سلطنتمزك صوك یوردی اولان ادرنه بی ده چیکنه مک ، بو اسلام ایلی ده صلیبک کابوس مظالم باری آلتنده نه زمک ایستیورلر . یادی ابدیاً قیلریمیزی بر خون ایدن فاجعه دار زمانلرده سلیمک ، فاتحک لرزه دار روحلرینه ؛ خدا پسند حماستلریله ؛ بر نفخه امید و تسلیم اتخاف ایدن ادرنه قهرمانلرینک حیرت انگیز مقاومتلرینه رغماً بو آهنین قلعه مزی ده المزدن آلمغه چالیشیورلر .

ادرنه ، خارقه نما بر بسالتله بلغار و صرب جانلریله دیدیشیرکن دیگر طرفدن حق وعدالت نامنه هر نه وارسه آیاقلر آلتنه آلان بتون بر قطعه ، بتون بر هیئت صلیبیه ، بو قهرمانلرک شایسته تکریم حما ستلرینه بیله حرمت ایتیمکسزین ، اجدادمزك خاطرات حزیننه ، دینمزك آبدات مقدسه سینه مامن اولان بو اسلام بلده سنی دشمنه تسلیم ایتنه مزی ، دها آچیقجه سی اتخازه قرار ویرمه مزی مصرانه تکلیف ایتیمکدن حیا ایتیمیلر .

تبلیغ بوندن عبارت دکلدی : تکلیفلرینه موافقت کوسترمدیکمز تقدیرده ؛ صوك ملاذ ملیمز اولان اناطولی و سوریه نک ده تهلیکجه معروض قاله جنی تهدیدینی ده ایلری سورمشلردی . . . بو صورتله اووقته قدر ظاهری بر نقاب آلتنده کیزله دکلری احتراصات ردیشه ایله لوث دار اهل صلیب تعصبک مستکرمه چه . سنی کوسترمه چک قدر ایلری وارمش اولیورلردی .

بتون بو طرف فکیری تعصبه قارشی قوجه آوروپاده آنجق بر قاج ناصیه بلند اعلان عصیان ایدمیلیدی ، مع التأسف بونلرک ده صدای حق کویانه سی غلغله احتراصات آرمه سنده سونوب کیدیور ، مدنیت عصریه نک کرسی حشمتی اولمق ادعاسیله چیرپینان بر عتیقک بویوصونلی قطعه سی ظالملری آلقشلايان کلانک شاپاش و تقدیرایله طولیور . تاریخ انسانیت وعدالت ، بشریتی بودرکه لره سقوط ایتدیرن محترصلره قارشی ابدیاً لغتیلر . نفرتلر یاغدیله جقدر . فقط ، افسوس که . . .

فردیناندک قرون ماضیه هونیادلرینی اوتاندیران معهود اعلان حرب بیاننامه سنک مدنی آوروپانک سیای عرفانده بر چین جین ، بر اشمئزاز استکراه تولید ایتمی شویله طورسون بالعکس بعض محافله تقدیراته بیله مظهر اولدینی دوشونیلورسه شویالانجی مدنیت ، بو حال کوروب طوریرکن حالا صاحبه لایان شرقلرله نیلیم نه نام ویرلمیدر ؟ هذا کرات صلیبیه نک انقطاعی متعاقب جنرال (ساووف) طرفندن

عقولهم = خلق خبر ایشلرلر . آلاجلری اجرایسه آنجق عقللرینک مقدارینه کورددر .

عقلک هیچ برشی ایله قابل وزن و قیاس اولیان قیمت علیانی نبی مکرم (صلی الله علیه وسلم) ایشته بوکی سوزلرله تقدیر ایدیور . ایمانک اساسی و مستندی بزده عقلدر . کرک وجود باری به و کرک نبی اکرم حضرت محمد صلی الله علیه وسلمک رسالتنه و تبلیغات نبویه نک طرف حقندن وارد اولدیغنه ایمان ایدن هر مسلمان هر حالده طریق استدلاله مراجعتله بو حقیقتلره قانع اولیور . استدلالانک ضعف و قوتی ، شکل و صورتی متخالف اولسه ده اساس ایمان هیچ بر وقتده بر نوع استدلاله مستند اولمقندن خالی قالماز .

کذلک دین اسلامده عقله غیر منکشف اسرار ایمانیه یوقدر . هیچ بر کیمسه به «عقلک آلسون آلماسون هر حالده ایمان ایله مکلفسک . مسائل ایمانیه بی مناقشه به عقلک صلاحیتی یوقدر» دنیلیمه مش و دنیلیمه مز . او درجه ده که دلالت عقل ایله ، الک قطعی استدلالات ایله ارکان ایمان حقنده قناعت وجدانیه ؛ قرآنک وحی ، حضرت محمدک (صلی الله علیه وسلم) نبی مرسل اولدیغنه اطمینان حاصل اولمقندن صوکره بیله نصوص شرعییه ایله دلیل قطعی عقلی یشنده بر تعارض موجود اولدینی کورولسه دائماً نص شرعی بی تأویل ایتیمک جهته کیدیلیلر . بو کی احوالده بتون علمای اسلامک اتفاق اوزره اصل ایمان استدلال عقلی به استناد ایتدیک ایچون نصی تأویل ایله ظاهرندن متبادر اولان معنایی ترک ایتیمک لازم کورولمشد . زیرا بو تقدیرجه نصه اعتبار ایتیمک اصلی فرعه فدا ایتیمکدر دییورلر . دین اسلامک وظیفه تمدنییه سنی او قدر سرعتله حسن ایفا ایتمه سنده کی حکمتی ؛ دول واقوام نصرا . نیه نک او منتظم و معظم تشکیلات ایله او قدر فداکارلرله آسیا و آفریقایه سوق ایتدکلری دعاة انجیل اردولرینک [۱] مساعی و مشقتلریله هیچ ده متناسب اولمایان موفقیات جزئییه مقابل دین اسلامک تشکیلاتسز ، میسیونرسز ، پارسسز ، پولسز اوله رق انتشار سریننده کی سری ایشته بوراده آراملیدر . بری عقلی مخاطب ایدیوز ، دیگرکی حسی . بری دلائل منطقیه ایله اقناعه چالیشیور ، دیگرکی اسرارندن بحث ایدیور . ینه بوندن طولاییدرکه آوروپاده فلسفه ایمانی ضعه اوغراشمش ، دینه قارشی بر عداوت بیله اویاندیرمشکن شرقده فلسفه ایله اشتغال ایدنلرینه دین علماسی اولمش و عام کلام فلسفه ایله هم دست وفاق اولارق حقایق ایمانیه بی تأیید ایتمشدر .

احمد نعیم

[۱] صوك یاپیلان بر ایستاتستیفه نظراً آوروپا و آمریکا میسیونرلرینک نشر انجیل اوغورنده صرف ایتدیک مبالغ سنوی بش یچق ملیون انگلیز لیراسی متجاوزدر .

سنى حقيله ايفا ايدرسه امين اولمليدركه نصرت الهيه اردومزك افق
شهامتده تجلى ايدم جكدز .

ألى سلاح طوته بيلن فداكاران ملت مادر وطنى دشمنك قاتلى
نجه لرندن قورتارمغه قوشاركن ، اغنيای امتده كيسه لرینی آچلی ،
وطنك جريحه لرینی صارمق ایچون اقتضا ایدن مبالغی اعطاسدن
چكنمه ملیدر .

دون تحت تابعیت مزده ایکن بوکون یوزمزه قارشى تحمل ناپذیر
تحقیرلر، تهدیدلر صاوران دشمنلر مزدن اولسون عبرت آلملیز : صوفیه ده
بولنان اجنبی مخرلرک اشعاراته نظر آبلغارستانده اون یدی یاشندن یوقاری
هیچ بر فرد قالماش ، جمله سی میدان حربیه قوشمشلر . زنکیلر ،
قاصه لرینی آچهرق اللرنده اولانی احتیاجات عسکریه نك تسویه سی
ایچون حکومتلرینه بذل ایتشلر . قادیلر ، قیزلر کیجه کوندوز عسکره
ملبوسات و سائر اعمالیه مشغول اولیورلر مش ! مخبرك بو اشعارى
حربك نه صورته ونصل قازانلش اولدیغی بزه بك كوزل آکلائیور .
زنکیلریمز ، تترهك اللریله کیسه لرینی آچق خصوصنده تردد ایدرکن
دون یوز بیکلرجه لیرالره مالک اولدقلری حالده بوکن اتمک پاره سی
بوله میان روم ایلی بدبختلرینك منظره فجیه سنی کوزاوکنه کتیرملیدرلر .

درامه وقواله جهتلرنده بلغارلرک اشراف و معتبران اسلامیه دن
یالکز نقد اوله رق جبراً آلمش اولدقلری مبالغه ایکیوز آلتش بیک
لیرانی متجاوز اولدیغی سلانیکدن اشعار اولئیور . حالوکه بو بدبختلرک
ناموس و شرفلری ده چیکنه نمش ، اولرنده ، قوناقلرنده بولنان اشیارلری
یغما ، املاک غین منقوله لری ده جبراً غصب ایدلش اولدیغی ، اکثرینک
جکریاره لری کوزلری اوکنده باربارجه سینه بوغازلانیدیغی ده دوشونیلور
ایسه فجاعت یوره کلری پارچالایان بوتون دهشتیه تجلی ایدر .

وقتیله دونمیه بذل معاونتده بخل کوسترلمه مش ، ملت آوره ووف کی
ایکی سفینه حربیه آله بیله جک اعانانده بولنش اولسه یدی شهیدیه یوق که
بوکون ذلت و حقارت آلتده اولن مسلمانلر بو فلاکتلری
کورمیه جکلردی !

ناموسك ، دینك ، وطنك ، حیاتك ؛ بی امان مفترسلرک قاتلى
چیزمه لری آلتده مقهور و ذلیل چیکندیکنی کورمه مک ، دین
و ناموسله برابر بوتون ثروت و سامانده غصب ایدلدکن صوکره
بوغازلانق سعادته بیله مظهر اوله میهرق اذان محمدی یرینه چان
سسلری طیندار اولان معابد قابولرنده سورونه رک دشمنلردن رذیلانه
اکمک پاره سی دیلنمک مجبوریتده قالماق ایچون بوکون ألمزده ،
آوو جزده اولانی ویرمکه اصلا تردد ایتمه ملی یز . لغت و مقهوریت
ابدیه دن آنحق بو صورته قورتیه بیلیرز .

اردو وظیفه سنی ايفا ایدیور ، ملت ده کندینه توجه ایدن وظائفك
حسن ایفاسنه قوشمه لیدر .

م . شمس الدین

بلغار اردوسنه خطاباً نشر ایدیلن و (تورکر دکزک اوپر طرفه
قوغولمیدر) جمله سیله ختام بولان ملوث پاچاوره بلغارلرک طیفنتده
مکنوز اولان دناستی ، بزه قارشى بسلدکلری کین لایموتی بوتون جهانیه
اعلان ایتدی .

بزه حقیقتی آکلامق ایچون بویه بر اعلا نه محتاج دکلدک : روم
ایانک زمردین اووملرینی ، شکوفه دار وادیلرینی ، خروشان نهرلرینی ،
یتیم چوجقلرک ، طول قادیلرک ، آق صقاللی پیرلرک خون معصوملریله
بویان باغار جانلری شو اوچ درت آی ظرفنده ارتکاب ایتدکلری
خونخوارقله بوتی پک فجیع بر صورتده کوستردیلر . واسع بر اسلام
دیاری اولان روم ایلی ده بوکون دکزک اوپر طرفه قوغیله جق کیسه
قالماش اولدیغی آوروپا حالا بیلیمک ایسته میورسه (صاووف) پک
اعلا بیلیر .

صاووف معهود بیاننامه ایله اهل صلیبی ، عثمانیلری استانبولدن ،
درتیوز میلیون اسلامک کعبه توجهی اولان مقر خلافتدن طرد ایتمه
دعوت ایتدیکی شبهه سزدر . قلبکاهندن اوریلان بر وجودک یاشایه
میجنی طبعی اولدیغندن بزمه برابر عالم اسلام و اسلامیت ده کوچوب
کیدم جک !

پترسبورغده انتشار ایدن (رهچ) غزته سنک برنسخه سنده روسلرک
استیلا ایدمه مدیک مقام خلافت ، بلغار چاری طرفندن ضبط ایدلدیکی
تقدیرده صلیب اردوسنی هانکی مقامه منسوب روحانیلرک استقبال
ایدم جکنه ؛ آيا صوفیه ده ایلك آیین ، رؤسای روحانیه دن هانکیسی
طرفندن اجرا اوله جفته دائر مقامات روحانیه آرمه سنده پک خفی
و مهم بر مناقشه جریان ایتدیکنه دائر وقوع بولان افشا آتی صاووف
و فردیناند بیاننامه لرینک محافل عائد سنده نه قدر درین ، وامیت
بخش ایزلر براقش اولدیغی پک کوزل آکلائیور !!

(رهچ) غزته سنک شوافشا آتی درین درین دوشونه رک وطنی ،
ناموس ملتی ، دین اقدسی قورتارمق ایچون نه عظیم فداکارلقلر
اختیارینه مجبور اولدیغمیزی تقدیر ایتلیر .

بوکون عثمانلی اردوسنی کندیسنه توجه ایدن وظیفه مقدسه نك
ایفاسنه عزم ایتش ، غنابت سبحانیه ایله بحق ده ايفا ایدیور . فقط
تهلکه عظیمه نك دفع ایدلمسی ، حرب قازانیله رق وطن و دینك
قورتارلمسی یالکز اردونك جانسپارانیه غیرتیله تأمین ایدیه مز .

اردو میدان معرکه ده دشمنله چارپیشه رق ، ملتک حیاتی ، وطنك
استقبالی ، دولتك استقلالی ، دینك قدسیتی صیانتیه حصر غیرت
ایدرکن ملت ده هر خصوصه کندیسنه ظهیر اولمیدر .

بوکونکی مدهش فلاکتدن بزی قورتارمق آنحق ینه بزم
غیرتمز ، بزم همت سزدر .

ملت ، (وجاهدوا فی سبیل الله باموالکم و انفسکم = مالکیزله ،
جانکیزله الله یولنده جهاد ایدیکز) فرمان یزدانیسنه توفیقاً وظیفه .